

Дунёдан зуҳд қилиш (39-тавсия)



12:24 / 03.10.2017 7917

Абу Аббос Саҳл ибн Соъидий розияллоҳу анҳудан ривоят қилинади:

«Бир киши Набий соллаллоҳу алайҳи васалламнинг ҳузурларига келиб «Эй Аллоҳнинг Расули, мени шундай амалга йўллангки, уни қилсан, Аллоҳ ҳам, одамлар ҳам мени яхши кўришсин», деди. Шунда у зот: **«Дунёдан зуҳд қил Аллоҳ сени яхши кўради, одамларнинг қўлидаги нарсалардан зуҳд қил одамлар сени яхши кўради»**, дедилар».

Ибн Можа ривоят қилган.

Расулуллоҳ соллаллоҳу алайҳи васалламнинг зуҳдлари:

Абдуллоҳ розияллоҳу анҳудан ривоят қилинади:

«Расулуллоҳ соллаллоҳу алайҳи васаллам бўйранинг устида ухлаб, кейин турдилар. Ёнбошларига (бўйранинг) изи тушиб қолибди. Шунда биз: «Эй Аллоҳнинг Расули, сизга юмшоқ тўшак олсак-чи?», дедик. «Менинг дунё билан нима ишим бор. Мен дунёда худди дарахтнинг соясида (бироз) дам олган, сўнгра туриб уни ташлаб кетган отликقا ўхшайман», дедилар».

Термизий ривоят қилган ва сахих деган.

Қуидаги ҳадис бизни қаноатга чорлайди

Убайдуллоҳ ибн Михсандан, у отаси розияллоҳу анхұмодан ривоят қилади:

«Набий соллаллоҳу алайҳи васаллам: «Сизлардан ким хотири жам ва тани сиҳчатда тонг оттирса-ю, ҳузурида бир кунлик егулик-ичгуилиги бўлса, гўё дунёning барига эга бўлибди», дедилар».

Термизий ривоят қилган ва ҳасан деган.

Саъд ибн Абу Ваққос розияллоҳу анхұдан ривоят қилинади:

«Бир киши Набий соллаллоҳу алайҳи васалламнинг ҳузурларига келиб «Эй Аллоҳнинг Расули, менга бир мўъжазгина тавсия беринг», деди. Шунда Набий соллаллоҳу алайҳи васаллам: «Одамларнинг қўлидаги нарсалардан умидингни уз. Зинҳор таъмагир бўлма, чунки у фақирлик келтиради. Узр сўрашга олиб борадиган нарсадан (иш, сўздан) эҳтиёт бўл», дедилар».

Ҳоким ва Байҳақийлар ривоят қилишган.

Ушбу ҳадислардан олинадиган фойдалар:

1. Дунёдан зуҳд қилган одамни Аллоҳ яхши кўради.
2. Одамларнинг қўлидаги нарсалардан зуҳд қилганни одамлар яхши кўради.
3. Расулуллоҳ соллаллоҳу алайҳи васаллам дунёда худди дарахтнинг соясида бироз дам олиб, сўнгра туриб уни ташлаб кетган отлиқقا ўхшар эканлар.
4. Хотири жам ва тани сиҳчатда тонг оттирган, бир кунлик егулик-ичгуилиги бўлган киши гўё дунёning барига эга бўлгандекдир. Чунки бу дунёда тинчлик ва оғиятга teng келадиган бойлик йўқ.
5. Одамларнинг қўлидаги нарсаларга кўз тикмаслик лозим.
6. Таъмагирликнинг оқибати фақирлик экан.
7. Узр сўрашга олиб борадиган иш, сўздан эҳтиёт бўлиш лозим.

Мұхаммад Алий Мұхаммад Юсуф тайёрлади